

## Apocalipse

### Deuxu heka Joaõ-ò bede ritỹnynyre

<sup>1</sup> Katyyriti-ki tahe bede aõmydỹỹnana roire. Kia heka Deuxu Jesuisi-ò ritỹnynyre. Idi Kristu Joaõ-ò ritỹnynyre. Aõhebo ele elemu rotỹỹnykre heka inydeereny riteõsinyreri, teòdu mahãdu wahe. Ýjuõ heka Kristu riteònyre Joaõ-ò ibutumy relyykemy, ritỹnynykemy.

<sup>2</sup> Iribi tahe Joaõ ibutumy relyyre. Kaki heka riritinyre. Kia heka ijyy rare. Jesuisi Kristu inatyhyna rare.

<sup>3</sup> Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededỹỹnana dori iõhòmy ratxireri. Kia ibutumy rotỹỹnyke.

<sup>4</sup> Jiarỹ heka, Joaõ wahe, dohodỹỹna mahãdu-ò watyyriti rewahinyreri. Debò inatxi reurò mahãdu Asia bede-ki watyyriti rewahinyreri. Ruxetòena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetòena adee riwahinykre, tule irynana tyytyby riwahinyke, debò inatxi reurò mahãdu wahe.

<sup>5</sup> Jesuisi Kristu tule adee kia riwahinykre. Tii tahe inatyhyna ijyydu rare. Tii juhUU rubu-ribi ixixadu rare. Tii ibutu iòlò dinodu heka tii rare. Tii inyluure. Inyòraru iny-ribi tii riwatarenyre tahãlubu òraru-ki.

<sup>6</sup> Tii Xiwe wahidỹỹdu mahãduõ ixidee riwinyre, inyboho wahe. Ibutumy ityhydỹỹdu heka xiwe

wahidỹ̃du mahãdu wese rare, iòlò mahãdu wese wahe. Deuxu rekeàlàmyhỹke. Ibutumy wowydyna, ruru-wana heka Jesuisi Kristu-ò rawahidỹ̃my rarekre ihyy hyymy. Kie

<sup>7</sup> Beteheke, tii biuwetykywo-ki naderi. Ibutumy iny tuu robikre. Irubudỹ̃du tule tuu robikre. Ibutumy iny rahinykre, robukre iòraru-ki. Inatyhy rare. Kie.

<sup>8</sup> Jiarỹ AA rare YY rare. Juhuu ludu rare, tule ikonana ludu rare. Deuxu jiarỹ rare ibutu ruru wahõrõ rare. Aõu aõu jiarỹ watxiwãhãre.

<sup>9</sup> Jiarỹ Joaõ rare, aityhydỹ̃du seriõre wahe. Jiarỹ tule awese aõhebo ratỹ̃nyre. Jesuisi Iòlòna òraru-ki. Patmos bedebute-ki jiarỹ ratxire, ròtena wese heka tai ratxire. Jesuisi inatyhyna dori retỹ̃nyre.

<sup>10</sup> Nobiu txuõ heka jiarỹ aõma Deuxu Tyytybytyhy wadee dobehede. Iu tahe rybeõ-ò raholare, jurõna wodỹ̃ wese heka rare.

<sup>11</sup> Tahe wadee rarybere: –Biritinyke aõma ibutumy aõbo kai bobikre. Ibutumy dohodỹ̃na mahãdu-ò kia tyyriti biwahinyke. Ka tyyriti tahe biteõnyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò.

<sup>12</sup> Retehera wahewo-ò mobo wadee rarybereò. Tahe debò inatxi reurò loosõna mynynalemy rabora, womati tỹrỹrỹ̃le wahe.

<sup>13</sup> Itya-ki tahe hãbuõ wese rare. Ityky urarehe heka ratxire. Iwereysana heka womati tỹrỹrỹ̃ heka rare wyò wõtena-ki roire.

14 Irade iurahakỹ ratximyhỹre. Irue heka heòty wese rare.

15 Iwa tahe bronze womati wese rare. Irybe wodỹỹ heka bee ijiranahakỹ wese heka rare.

16 Iruruwe-ribi debò-ki heka taina debò inatxi reurò sòwe rimyre. Irybe mayrehe wiòtxu wese iry-ribi ròhònymyhỹre. Iòsỹny tahe txu tòtee wese heka rare, itỹnytyhyre.

17 Kia ibutumy rabireu, jiarỹ resera bede-ò rubu wesemy. Tii ruruwe-ribi debò watyre-ki ritidire, rarybere: –Buberuòtyhy! Jiarỹ juhuludu rare, ihewoludu rare.

18 Jiarỹ rurure, iribi tahe rexixare rubu-ribi, aõu aõu tahe jiarỹ watzireri. Tiu aruruòtyhy. Rububede dinodu heka jiarỹ watzireri, ityre waruru rare.

19 Biritinyke ibutumy tuu tabita wiji. Tule aõbo idi kanakemy biritinyke.

20 Adee aritỹnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodỹỹna mahãdu ýju wese rare. Loosòna mynyna heka dohodỹỹna mahãdu wese rare.

## 2

1 Kia heka biritinyke Efesu dohodỹỹna ýju-ò: – Kaa heka inyò rybe rare. Tii taina debò inatxi reurò rimymy idi rỹimyhỹ iruruwe-ribi debò wahe. Tii loosòna mynyna yky-ki rariareri. Kia womati tỹrỹrỹhỹkỹ-di relere wahe.

2 Aaõmysỹdỹỹna wiwihikỹ reeryre, awoxieresytere tule. Hãbu bina tiu aitxerenaõna toite. Inyò Deuxu deòdumy iximy uritere rybedu, teurihitenyte. Kia iruirybe teerytenyte.

<sup>3</sup> Kaiboho tawoxieryterenytenyte. Tule aõhõkỹmy tatỹỹnytenyte waòraru-ki, wijile tule wahe.

<sup>4</sup> Kiaremy tahe sohojile wadee ibinare. Iwese juhuhu waluu wesemy aõkõ wiji ahãtenyte.

<sup>5</sup> Kaiboho heka atyhyna-ribi ahewo-ò tadòòsetenyte. Kiaremy ta idi bexinohõtinymy bexirãhĩbenyke. Iwese juhuhu atximahãte wese, ixityre boibekemy. Kiamy aõkõkeki, aloosòna mynyna ay-ribi aritakre.

<sup>6</sup> Kiaremy ta akireny sohojile awire wadee. Kaiboho heka Nikolaita mahãdu iaõaõna widỹỹ derarenyre wawesemy.

<sup>7</sup> Iny rybeõ ijohona mahãdu boholabenyke Deuxu Tyytybytyhy rybe-ò timybo Ityhydỹỹdu mahãdu-ò rarybemyhỹre: —Inyõ òraruna ijesu ritakeki, tamy jiarỹ umytuedeõna ariwahinykre. Kia tahe Deuxu bederaty ritokre, Deuxu oworu-ki rỹimyhỹre wahe. Kia bederaraty inyru wahidỹỹdu rare.

<sup>8</sup> Kia heka biritinyke Esmirna dohodỹỹna ÿju-ò: —Kia heka Juhuuludu rybe rare, Ihewoludu rybe rare. Tii rururibile rexixare.

<sup>9</sup> Aõhõkỹmy dỹỹnana reerymyhỹre. Uriterenodu wesemy toite. Ihãre tahe aõna aõnawiwi ahõrõreny rare. Aòludu mahãdu umy rarybereri ibinamy. Tiiboho Satanasi mahãdu roire. Judeu mahãdu aõkõ roire tiiboho tuu raryberehãre.

<sup>10</sup> Buberuõtyhy kaiboho! Aõhõkỹmy dỹỹnanaõ kanakre debò wiò txumy wahe. Tahe buberuõtyhyke. Ròtenawo-ki boibenykre. Buberubenyke hãrele heka òbitimy biwatyhynybenyke. Iribi tahe irudỹỹna rataana adee ariwahinykre.

<sup>11</sup> Kaiboho nohōti-di mahādu, boholake timybo Deuxu Tyytybytyhy heka ityhydỹỹdu mahādu-ò rarybemyhỹre.

<sup>12</sup> Kia heka biritinyke Pergamo dohodỹỹna ỹju-ò: —Kia inyõ rybe rare. Tii mayrehe wiòtxuree òre:

<sup>13</sup> —Jiarỹ reeryre asỹ, ahāwā wahe. Kaiboho Satanasisỹ-ki tasỹnyteri, irynana rareri wahe. Tahe Kaiboho aityhydỹỹna teriõtenyete. Tai tiiboho warybedu Antipasi òbiti rirubun-ryehārele.

<sup>14</sup> Ihāre tahe akireny sohojile wadee ibinare. Ayreny-ki inyõ Balaaõ erydỹỹna rityhynyre. Tii ihetxiu Balake òraruna-txi aatysydỹỹmy ribedeery-dỹỹnyre resedỹỹkemy. Tii Israeli mahādu-ò rarybere:

—Xiwena aõma ide tahe biròbenyke tule òta tahe urihimyò tahe ibinare.

<sup>15</sup> Tule ayreny-ki tahe Niolaita tohodỹỹna ijõreny rityhynyre, timybo rexiòrarunanykemy. Kia ibinare wadee.

<sup>16</sup> Tai marybeke tiiboho rexirahĩkemy idi iribi rexixāwidỹỹnykemy. Tukōkeki, anakre warymayrehe wiòtxuree-di iòludumy areakre wou-ki.

<sup>17</sup> Iny nohōti-di mahādu, boholake Deuxu Tyytybytyhy rybe-ò timybo Ityhydỹỹdu mahādu-ò rarybemyhỹre: —Inyõ òraruna ijesu ritakeki, tamy biu-ribi rỹsỹna rỹikre. Manauratyre-ki heka nii tỹmyra raritimy roire. Ōmo nii rieryõre. Tunidukrele rieryre.

<sup>18</sup> Kia heka biritinyke Txiatira dohodỹỹna ỹju-ò: —Kaa heka Deuxu Riòre Rybe rare. Irue heka heòty wese rare. Iwa bronze womati wese rare.

19 Aaõmys̄d̄ȳna reeryreri, luuna, ywina, tyhyd̄ȳna, juhuu ratytre wiji aaõmys̄d̄ȳna.

20 Kiaremy tahe sohojile wadee ibinare: Kai-boho heka Jezabel teijemahātenyte. Kia hāwyy dori Deuxumy rybedu ixī-di rare. Ihāre tahe òtaòtamy, xiwe r̄ys̄my rotohod̄ȳmyh̄yre, ritxoo h̄r̄õ wahe.

21 Jiar̄ȳ tule txiò reijere òtaòta-ribi ixāwikemy. Tahe tuuõhyre.

22 Idi herina-ò arilidikre ihābu mahādu-wana. Tai aõhõk̄my rot̄ȳnyrenykre. Tiiboho kia rexirāh̄nyõrenykeki, tuu ele elemy ariwinykre.

23 Iriòre bina arirubunykre. Tai ibutumy aõwid̄ȳnamyna ityhyd̄ȳdu mahādu riwaerykremy. Jiar̄ȳ heka inywo erydu dori rare. Kiaremyta iny sohoji sohoji ariòwynykre.

24 Ayreny-ki tahe inyõ r̄yire. Tiiboho bedeeryna bina rityhynyrenyõre. Tiiboho bedeeryna bina rieryõhyre. Txioinihe, bede ywina sira aõkõ adeereny ariwahinykre.

25 Iwese kaiboho tetyhynyte wese wiji bityhynybenyhyyke. Ele ele dori arehemynykre.

26-28 Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahādumy boibebenyke, iwese ruru Waha-ribi remyra wese wahe. Tamywikeki womati òhòte-di bede bede mahādu rihukre, iwese butxi ribòhònyre wese wahe. Tule adeereny ariwahinykre aõma biurasò taina wahe.

29 Iny nohòti-di mahādu, boholake Deuxu Tyytybytyhy rybe-ò, timybo tii ityhyd̄ȳdu mahādu-ò rarybemyh̄yre.

## 3

1 Kia heka biritinyke Sardesi dohodỹna ŷju-ò: —Deuxu Tyytybytyhy debò inatxi reurò ðinodu, taina debò inatxi reurò ðinodu kia rybe rare: —Aõhebo tatỹnymahãtenyete reerymyhỹre. Arumy anireny ratỹnymyhỹre ihãre tahe tarumy ahãtenyete.

2 Bexirawahatebenyke ainatyhydỹna-ki, urikõ-ribi kiemy ixãwiheny. Deuxuko-ki awityhymy aõkõ ixi-di textiemyhỹtenyete. Kia reerymyhỹre aõmysỹdỹnareny tewinymahãte.

3 Inatyhyna juhu taholatenytedi, bexinohõtinybenyke. Idi bityhinybenyke aõnanabina-ribi bexirãhĩke. Tukõkreki wasidu wese ierykõmy adeeremy anakre.

4 Ihãre tahe Sardesi hãwã-ki inyõ reximymy òbitimy rarekremy ihỹre. Tiibohe wahe-ki tyky lyra urahakỹ-di kanariarenkykre kiemy dori òbitimy reximyre.

5 Mobo ròtarenkykre, tyurahakỹ-di rexytyynyrenkykre. Inireny Rutyyriti-ribi aritaõtyhy. Idi Wahakõ-ò wahõrõrenymy aritỹnykre tule iỹjuko-ki.

6 Kaibohe nohõti-di mahãdu, boholake timybo Deuxu Tyytybytyhy heka, ityhydỹdu mahãdu-ò rarybemyhỹre.

7 Kia heka Filadelfia dohodỹna ŷju-ò biritinyke: —Kaheka inatyhymy Deuxu deòdỹna rybe rare, òbitimy nodu wahe. Tii Davi ijò rayna ðinodu rare. Tii ijò riraynykeki tiu inyõ riratòbõnyõtyhy. Tii riratòbõnykeki tiu iny riraynyõtyhy.

8 Aõhebo tatỹnymahãtenyete reeryre. Akyhynakõmy atximahãtenytemy rieryre warybe dori

tetyhynymyhÿtenynte. Tai ijò adeereny reraynyra. Tii inyõ riratòbònyõtyhy.

<sup>9</sup> Bodoholabenykre. Satanasi mahãdu heka Judeumy rexininimyhÿre tukõdu hãrele. Idi adidydenykre akoreny-ò tatiowotimy kedeseke. Iu aluurenymy riwaeryrenykre.

<sup>10</sup> Aõhõkÿmy dÿÿnana kanake ibutumy iny urihidÿÿmy. Kaiboho warybe tetyhynyta, ywina-di tetyhynyta. Tai ilau arayrubunyrenyke.

<sup>11</sup> Ele elemy dori adehemynykre. Ahõrõreny biyrubunyke inyõ aribi rawasinyheny arudÿÿna rataana wahe.

<sup>12</sup> Oraruna ijesu inyõ ritakeki. Tii ixyby rubumy ruruõkre. Tii Deuxu heto-ki rasÿnyihykykre. Deuxuni ityre raritinykre tule Kristuni tÿmyra wahe. Jerusalëni tÿmyra tule ityre raritidÿÿmy rÿikre, biu-ribi dobehede wahe.

<sup>13</sup> –Iny nohõti-di mahãdu, boholake Deuxu Tyytybytyhy rybe-ò timybo ityhydÿÿdu mahãdu-ò rarybemyhÿre.

<sup>14</sup> Laodisia hãwã dohodÿÿna mahãdu ÿju-ò heka biritinyke: –Kie rybe kaa rare. Tii inatyhyna inatyhy rybe rare. Tii Deuxu-wana bedede relereu, ratximyhÿ.

<sup>15</sup> Aõhebo tatÿÿnymyhÿtenynte ibutumy reeryre. Ainatyhyna-ki inatyhymy aõkõ, txiõlemy aõkõ toite tule.

<sup>16</sup> Tai tahe iòraru-ki ixi-ribi aratarenykremy rex-inohõtinyre.

<sup>17</sup> Kaiboho tarybetenynte: –Waaõwiwi-di roire. Awityhymy watxirenyreri. Wadeereny aõ rasir-anyõhyreri. Idi urile texibònytenyteri. Kaiboho dori abina, iaõkõ mahãdu, adehekÿ, aruety toite.



18 Kia aratohonykre: –Waribi womati t̃r̃r̃h̃k̃ aworibityhy biõbranykre, aityhynamy wiwihik̃. Tas̃se tyyurahak̃ tule, ade wõtenamy. Tas̃se rueluahina tule, arue ywinamy.

19 Waluuna mahãdu òhòte-di aribedeernymyh̃re warybemy tule. Tahe eryrewemy aõsusu-ribi bexitabenykre wadee.

20 Bodoholabenyke. Ijò-ki rarymy watzireri. Inyõ roholakeki ihetowo-ò aralokre. Tai tii-wana ariroxikre.

21 Òraruna ijesu inyõ ritakeki, tii wawana waryna-txi ronykre iwese jiar̃ waha-wana nadonymyh̃de wese. Rõtare dori wawouna-ki.

22 Iny nohõti-di mahãdu, boholake Deuxu Tyytybytyhy rybe-ò, timybo tii ityhyd̃ỹdu mahãdu-ò rarybemyh̃re.

## 4

1 Iribi tahe biu-ki ijòm̃y rabira rasina wese. Rybeõ raholare, jurõnajurò wesemy. Iwese wadee rarybere wese. Kiamy narybede: –Mana òwònyke, aõhebo itxõmo rahudi rot̃ỹnykre ini ariteõsinykre.

2 Iule tahe Deuxu Tyytybytyhy riwamyre. Iu, inyõ ryanamy rabira biu-ki.

3 Iòs̃ny heka roosõnymyh̃re womatiwihik̃ r̃s̃ wese, Jaspe wesena, Sadonio wese. Uwajiõ witxira t̃re heka rare iryna rirurawonyre.

4 Tahe 24 ryna iryna rirurawonyre. Ityre tahe 24my wedu mahãdu ronyre tyyurahak̃-di. Irati-ki womati t̃r̃r̃h̃k̃-di rarataanamy.

5 Biudelaa, biumyta, irynana-ribi dohonyde. Heòtyloo heka debo inatxi reuròm̃y sõwe iko-ki

rỹire. Kia heka Deuxu Tyytybytyhy tuu sōwedu rare.

<sup>6</sup> Tule iko-ki mana aho roire iuramy raurananyre. Irurawona-ki wiòwiò-ki aõni inaubiòwa rãire, irue sōwe ihewo-ki, iko-ki.

<sup>7</sup> Aõni delena heka hãlòehékỹ wese rare. Ijõ heka karõtihikỹ wese rare. Ijõ tahe hãbu òsỹny wese rare. Ikonanareny tahe nawiihikỹ dowòmý nade wese rare.

<sup>8</sup> Ibutumy tiiboho debò sohoji reuròmý tesõwereny. Ta tiiboho tetya wirawyò rawyò irue dire. Tahe tiiboho rexielehynyõhyylemy txumy rumy rawiunymyhỹ: —Òbitityhy tate, Òbitityhy tate, Òbitityhy tate Inynyrỹ Deuxu rurutere. Kai tate, tule kai mabekre.

<sup>9</sup> Kia heka inaubiòwa boho rawiunyre: — Wowydyna, àlàna-wana rynana-ki rỹdu-ò, iki kiemy nodu-ò wahe.

<sup>10</sup> Iu tahe 24 wedu mahãdu heka tatiowotimy taòsỹny sutxi ritidimy riwowydynymyhỹreny resemý iko-ò. Tamy tarataana-di rehumy raryberenyre.

<sup>11</sup> —Wadinodureny, waDeuxureny adee sohojile heka wowydyna, loosòna, àlàna rawahike. Ibutumy dori aõna aõna tewinyte. Adeewimy rỹimyhỹre idi rariamyhỹrenyre.

## 5

<sup>1</sup> Ryna-ki rỹdu ruruna debò-ki heka tyyriti werywery wesemy rabira. Tyyriti tahe wirawyò rawyò-ki iriti dire, tii debò inatxi reurò iratòbòna sōwe.

2 Țju ruru ruruhukȳ-my ryrymy dȳȳraxi-di: —Mobo ityhykre tyyriti ratòbòna aresydȳȳdukre iraydȳȳ-ki tule.

3 Tai tahe inyõ ijõhyyre: —Biu-ki, bede-ki, surawo-ki ijoõhyyre.

4 Inyõ ityhyõre iraydȳȳ-ki tamy itxere-ki. Iòraru-ki ta urile jiarȳ rahinymyhȳre.

5 Iule tahe matuariõ wadee narybede: —Hiõmyke, betehe ta inihe Juda mahādu hālòehékȳ-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare.

6 Kiamy tahe rabira, Budoeni Riòre wahe. Tii rynana ubey-ki rȳimyhȳ. Aõni inaubiòwa ijõre. Tii-boho-wana tahe matuari mahādu rȳire. Budoeni rurure wesemy rȳire. Iò tahe debò inatxi reurò rare. Iruet tahe tule. Kia rare Deuxu Tyytybyõ rare, tii bede bedemy nodu mahādu.

7 Budoeni riòre tahe rynana-ki rȳdu ruru debò-ribi ditade, aõma tyyriti wahe.

8 Iule ta aõni inaubiòwa, 24 matuari boho-wana tatiowotimy rejujure budòeni riòreko-ò. Tii sohoji sohoji wiuna-di, womati tȳrȳrȳhȳkȳ hyna-di ratximyhȳreny. Sohoji sohojiro-ki tahe òwòrusõ wydysilȳnywi-di wese rare. Kia Deuxu tyhydȳȳdu mahādu ixitòedȳȳna violāo wese tule ratximyhȳreny.

9 Tiiboho wiutȳmyramy rawiunymyhȳrenyre kamy wahe:

—Kai atyhy tate Tyyriti raydȳȳ-ò, iratòbòna eresydu tule. Arubumy heka Deuxu-ò Ixȳju ixȳju teõbranyte. Irybe witxira witxira, ibede witxira witxira iixȳjuna tule.

<sup>10</sup> Iòlòm̃y tewasynyteny Deuxu dee tule xiwena wahidỹny mahãdu wahe. Idi hãwã hãwã ariwedunyrenykremy.

<sup>11</sup> Ýju s̃owetyhymy rabira rynana werora-ki, aõniboho matuariboho tule. Miliaõ hõkỹmy rasõwerenyre.

<sup>12</sup> Tiiboho rirajuahakỹmy rawiunymyhỹrenyre: — Wowydyna, ruruna, deysana, àlana, loosona tamy sohojile rawahinyrenyke budõeni riõre-ò. Tii dori rurure ityhymy

<sup>13</sup> Tai tahe ibutumy biu iròdu iròdu, suityre iròdu, bera iròdu iròdu ibutumy aõna tule rawiunymyhỹrenyre rynana-ki rỹdu-ò. Budoeni riõre-ò tule kia rawiunymyhỹre. Rarehykyle, rarehykyle heka rarekre. Kie.

<sup>14</sup> Aõni inaubiõwa rirawyõnyre: —Kie, Matuari 24 tahe reserenyre iko, kiemy noduko-ò.

## 6

<sup>1</sup> Tahe Budoeni riõre heka tyyriti ratòbõnaõ riõrõre. Kiamy rabire. Tule aõni inaubiõwa mahãdu-ò narybede rybenihikỹmy biumyta wodỹny wese. Mana ini itxeremy.

<sup>2</sup> Tai retehere awaru urahakỹmy rabire. Tairỹdu iwaxiwahate dire. Tamy irudỹny rataana riwahinyrenyre. Tahe rare wou ròtakremy.

<sup>3</sup> Tahe ijõ ratòbõna riorore. Ijõ aõni tahe narybede inatxina wahe: —Mana ini itxeremy.

<sup>4</sup> Idi awaru sòhòkỹ ròhònyre. Inyõ ityre rỹdu-ò ruruna riwahinyre, wou ritelenykemy bede bedemy. Tai hãbu mahãdu wii rahukremy. Tule inyõ mayrehe ityre rỹdu-ò riwahinyre.

5 Tahe inataõna ratòbòna riraynyre. Ixyby inataõna aõni rybe-ò raholare: —Mana ini itxeremy. Tai rethehere. Awaru lybymy rabire, ityre rỹdu urihina-di tebò-ki.

6 Tahe aõniy-ribi rybeõ-ò raholare: —Womati nieru sohoji-di heka urihina sohojile heka trigo rawykre, txusohoji aõmysỹdỹỹna òwy wahe. Tule inataõ urihina sevada rawykre, txusohoji aõmysỹdỹỹna òwy. Uritere ta uva-ò, adỹỹ-ò aõhe isỹdỹỹõmykre.

7 Tahe inaubiòwana ratòbòna riraynyre, Budoeni riòre wahe. Ixyby inataõna aõni rybe-ò raholare: —Mana ini itxeremy.

8 Tai rethehere. Awaru bisamadòbòlỹre wesemy rabire. Ityre-ki rỹdu heka Rubu inire, heòty bede rubunana iheludumy. Inyõ ityre rỹdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

9 Tahe iruyrena ratòbòna riraynyre. Tahe Xiwena wahedỹỹna rawo-ki iny mahãdu rabire Deuxu rybe òraru-ki, tatyhydỹỹna òraru-ki rurennyre mahãdu wahe.

10 Tiiboho rirajuamyhỹre: —Deuxu Inynyrỹhỹkỹ, kai tyhy tate, òbiti tule. Tiu wexi waòwyreny bilidikre, warubudỹỹdurenny-ò?

11 Tahe iximynamynamy tyurahakỹ-di rexitynyrennyre. Tahe tameny rarybere urihimyò rexielehynnyrennyre. Ijoireny iwesereny rurukreu riraòrennykremy. Isõwereny rexihureu wahe.

<sup>12</sup> Tahe debò sohoji reuròna ratòbòna riraynyre. Kiata idi suu ramytytare inihikỹmy. Txuu urile rurunyre, ahãdu isòmy relere, halubusò wese.

<sup>13</sup> Taina tahe sutxi dejujude iwese bederaty yhydebore ritxiwimyhỹre wese.

<sup>14</sup> Biu titxibo ikõre, iwese tyyriti rarasemyhỹre wese. Ibutumy hãwãlò bedebute tule taherina-ribi ratare.

<sup>15</sup> Iu tahe ibutumy iny rexiwore hãloohokỹwo-ò, manahakỹ hewo-ò tule. Tii roire Iòlò mahãdu, bededinodu mahãdu, soldado dinodu mahãdu, ityhy mahãdu irurutere mahãdu, ibutumy ijõ mahãdu rexiwore.

<sup>16</sup> Tahe taixiwotena-ribi rirajuamyhỹrenyre: — Watxireny mana heka bedesede rynana-ki rỹdu lau rekexiwòrenykemy. Budoeni riòre debure lau tule.

<sup>17</sup> Deburena txu, kyarana txu heka reare tamy, mobo riijekre.

## 7

<sup>1</sup> Idi tahe inaubiòwa ÿjumy heka tuu rabire. Tiiboho heka inaubiòwa bedehitxihitxi bedemy rỹire. Tahe rimyrenyre yhyhykỹ tebò-ki heka rimyrenyre. Tiu heka òwòru radeõ raykỹhyky roire. Bede-ki aõkõ, aho-ki aõkõ rebònyra?

<sup>2-3</sup> Tule ijõmy rabire ÿjuõmy ibryra-ribi rarerimy. Deuxu irumy nonadu hãletena nihikỹ widỹỹna heka diwymy idi nade. Iribi tahe inaubiòwa ÿju-ò tii ryryre: —Txiokre inihe. Iwotõmodỹỹõmyke wa suu, bee, òwòru. (Kia ÿju mahãdu dori, bede, bero, wotõmodỹỹdu mahãdu

ihÿre.) Biraòriòreke heka Deuxu hãletena deòdu òru-ò aritidikre.

<sup>4-8</sup> Tiwesebo kia ritidÿÿna rimymy idi rare. Tahe raholare heka jiarÿ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaò ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12000 inymy rimyre.

<sup>9</sup> Iribi tahe sòwemy inymy rabire. Timy heka idi wariramahãduòkre. Ibutu 12.000 hãwã hãwã-ribi wirotyre. Bede ibutu rybe wixira wixira rybedu ibutu ijoi wixira wahe. Tai tahe Budoeni-ube-ò tiìboho rotamanyrenyre. Budoeniko-txi ryanako-txi wirotyre. Ibutumy tiìboho ityyurahakÿlemy roiremy. Horeni iru-di heka roiremyhÿ.

<sup>10</sup> Tahe rryrenyre –irariemy rryrenyre: –Biu-ò hena waDeuxu-ribi nade ryanana nihikÿ-ki ronyreri. Tule Budoeni-ribi nade.

<sup>11-12</sup> Tahe ÿju ibutumy heka widotyde ryanawerora-ò, tule matuari mahãdu tule iwo-ki. Inaubiòwa aõni ibutumy reserenyre ryanana nihikÿko-txi resere taòsana sutxi ritidimy Deuxu kia wowydynamy relere. Kie, myheka rarybere: –Wowydyna, Bedeerydÿÿna, deàlana, loosona, aruru, aixiolòdÿÿna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie.

<sup>13</sup> Tahe wawiò inaubiòwa matuari mahãduò wadee rÿÿraxire: –Kai aõbo teerymahãte kia tykyurahakÿ-di ratxirenyreriò, tule tiribibo

ròirerí?

<sup>14</sup> Tahe rarybere: —Aõkõre wanyrỹ, reerykõre. Bedelyyke wako. Tahe wako tuu delyyde. Kia heka dòhònyde heka aõhõkymy dỹỹnana-ribi dòhònyde rare. Ityky rityranyre heka Budoeni riòre hãlubu-di.

<sup>15</sup> Taiki heka rynana nihikỹko-ki ratxirenyreri Deuxuko-ki. Kaheka ruu, txuu-wana heka rããhimy ratximyhỹrenyre taheto bededỹỹnana-ki. Kia rynana-ki rỹdu tahe riyrubunyrenykre.

<sup>16</sup> Tiu rama rirubudỹỹrenyõmy heka bemomo boho. Tiu txutòteehekỹ-wana wirisỹnyõtyhy ybòtò boho-wana, txutyte boho-wana.

<sup>17</sup> Budoeni riòre dori rynana nihikỹko-ki ratximyhỹre. Tii heka aryỹna adee riwahinymyhỹkre. Tii heka adi itxeredukre heka aradykre heka Umy-ituedeõna ube-ò. Deuxu irube rirubudỹỹnykre.

## 8

<sup>1</sup> Budoeni riòre debò inatxi reurò hãletenamy ribòhònyreu, aõdee biu-ki roholaõhyyre heka byy, myle roire: aõwodỹỹ wodỹỹhomy aõkõ. Wadee meia hora txумы bedemy bede rewyre.

<sup>2</sup> Debò inatxi reurò ỹjummy tuu rabire Deuxuko-ki nyidemy. Tahe inyõ tamy riõremy idi retehere debò inatxi reurò ajurònamy.

<sup>3-4</sup> Tahe iwitxira ỹju nade. Tii womati tỹrỹrỹhỹkỹ atara nihikỹ. Tahe xiwenatyre orarade rỹny wihikỹ ritoonyre. Inyõ riwahinyre ỹju-dee sõwemy. Riurinykemy Deuxu ijoi ixitòedỹỹna-wana xiwenatyre-ò risõkemy aderòna rỹnyrehekỹ heka womati tỹrỹrỹ xiwenatyre-ki



ritxiwire Deuxu rynanako-txi. Ỗju iribi tahe kia ibutumy raòwònyre Deuxu-ò.

<sup>5</sup> Tahe heòty-di heka Ỗju atara ritỹxinyra idi heòty-di rehure biu-ribi bede-ò. Tai tahe biumytxi ramytxynihikỹnyre heka suu biu tawe rihetenyre rybe wese wodỹỹ ramytatare.

<sup>6</sup> Tahe debò inatxi reurò Ỗjummy heka rexiywinymy rỹire ajuròna-di jurònykremy.

<sup>7</sup> Juhu Ỗju heka rurònyre. Iribi tahe bedejutytyhykỹ heòty hãlubu-wana raurinymy bede-ò rejuxunyre. Bedejura tahe roomyhỹ asirade, bedero-wana inataõ-ribi, sohoji roomyhỹ.

<sup>8-9</sup> Iribi ihewoludu txuròna-di rurònyre. Tahe berahakỹ-ò resere hãwãlò nihikỹ wesemy. Tai ibutumy heòtylawò txuramy ituere. Iyre bee tahe hãlubuhukỹlemy relere. Iyre utura tahe ituere.

<sup>10</sup> Tahe ihewoluduhe txuròna-di rurònyre. Iribi tahe tainahakỹõ berohokỹyre-txi resere berayre-txi tule.

<sup>11</sup> Tainahakỹ heka ihyre inire. Tahe sòwemy iny ituere ihyre bee riurinyreki.

<sup>12</sup> Tahe ihewotyhy tyaludu txuròna-di rurònyre. Tahe aõwesele txutyemy txuu roosòõhyyre. Tahe ahãdu tawekremy turutyhy inihe relere taina tule. Tahe bederurunytyhyre heka.

<sup>13</sup> Tahe idi retehemy jiarỹ rãiwãhã. Tahe tuu rabire nawii nihikỹõ ruòmy ratxireriõ. Tii iryru-di heka rarybemyhỹ: –Bede heka rabinakre. Bede heka rabinakre. Suludu bede iny-ò ryrymyhỹ: –Txioinihe sòwemy aõbina binahakỹ rexiòtỹmyranykre. Tahe hewotyhyludu Ỗju txuròna-di kudurònykreu heka bede rabinatyhykre.

## 9

<sup>1</sup> Ijõ ÿju tajurõna rurõnyre. Tii heka iruyre hewoludu rare. Tahe ijõ inymy rabire. Biu-ribi suò taina resere wese tii resere. Tamy ijò raynaõ diwahinyde, hãloo nihikÿ ratòbõna rayna wahe. Hãloo nihikÿ heka irehehekÿ rare.

<sup>2</sup> Tahe riraynyre. Wàdàsi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdàsi lybyhykÿ òraru-ki.

<sup>3</sup> Tahe seihikÿlyby wese heka wàdày-ribi dòhònyde tahe desede suò. Seihe heka itytibòròhòkÿ wese heka ihe rare.

<sup>4</sup> Asi rubudÿÿõmykre bederaradeõ tule, òwòru tule. Inyõ Deuxu kia ritidÿÿna iòru-ki rÿiòkeki, tahe tule tamy ijira rÿikre.

<sup>5</sup> Iny rubudÿÿmy aõkõre. Tahe iny aõhòkÿmy rotÿÿnykemyre heka iruyre ahådumy. Aõhòkÿmy rotÿÿnymyhÿre kia ihe juberereri riijererimy ihÿre.

<sup>6</sup> Kia txuu tahe ixirubudÿÿmy reamyhÿre. Tahe aõkõre heka timyhe ixirubudÿÿkõmy tamyhe rubu dehemynyõhyymyhÿde. Tukemy heka riwisÿnymyhÿre. Tahe aõkõre rubu iribi rahenymyhÿre.

<sup>7</sup> Seihikÿ heka awaru wese rare. Iwese awaru rexiywinymy wou-ki ralòkremy rÿimyhÿre wese heka rare. Irati-ki rÿire womati tÿrÿÿhÿkÿle irataana wahe. Iòsana heka iny òsana wese rare.

<sup>8</sup> Irade irehehekÿre hãwyy radehekÿ wesele. Txuu tahe leaõ juhukÿ wesele rare.

<sup>9</sup> Wyhy itxena ibreti-ki roimyhÿre. Womatile ibreti rare. Bede heka urile rawodÿÿnyhÿkÿmyhÿre. Iwese tewe awaru-di

nodu sōwe iwodỹỹ rare. Iwese aōbina-ò rajaramyhỹre wodỹỹ wese wahe.

<sup>10</sup> Seihikỹ heka bōròhywe nihikỹ wese heka rare. Tahe iruru-di rare. Iny riwotōmonymhỹkemy iruyre ahādumyhỹmy. Iherona ramytxytxyre iruyre ahādumyhỹmy.

<sup>11</sup> Iiòlò heka hāloo rahejihikỹ wedu heka rare. Ini heka hebreu rybe, Abadu rare. Grego rybe heka, Apoliō heka rare. Iny rybe heka iny hàdu hàduhukỹ rare.

<sup>12</sup> Juhuu bedebinahakỹ ituera ròhònyra. Katahe ijō iwitxira kòdòhònykre inatximyhỹmy wahe.

<sup>13</sup> Ijō ŷju tajuròna-di rurònyre. Tii heka debò sohoji hewoludu rare. Raholare heka rybeō-ò. Womati xiwenaò-ribi ròhònyre. Xiwena-ò heka inaubiòwa sōwe. Kia womati t̄yr̄r̄y xiwena heka Deuxu ryanako r̄yire.

<sup>14</sup> Kia ŷju-ò heka rarybere ijuròna dinodu wahe: —Inaubiòwa ŷju besedỹỹnyke ixinamy ròhònyke. Tii heka Bero nihikỹ ròtena-ki, bero Eufratesi-ki.

<sup>15</sup> Tii heka ròtena-ki ratximyhỹre kia bededỹỹnanau, kia txuu, kia ahāduu kia beòrau. Iribi tahe riòlòdỹỹnyrenyire. Iribi tahe ihewoludu iny ibutumy rahure. Iyreyre inataō hāwā jurajuramy heka rahure. Inataō jura-ribi sohoji sohoji rirubunyire.

<sup>16</sup> Tahe jiarỹ raholare tiweserebo aōbinadumy r̄yire. Iny 200.000.000 inymy r̄yire.

<sup>17</sup> Tahe aōbinadumy rabira awaru tyre ronyreri. Awaru tyre ludu tahe iwyhy itxena dire. Ibutumy wako-ki r̄yire. Ibutumy rabire. Womatihikỹle, heòtyhykỹwesele heka rare. Ijō heka t̄yreura rare

safira wese. Ijõ tahe tÿre raramadòbò wesele. Awaru rati heka leaõ ratihikÿ wesele rare. Heòtyle iry-ribi ròhònryeri wàdàsi enxofre-wana wahe.

<sup>18</sup> Kia heòty heka inataõ jura-ribi sohoji jura iny rahure.

<sup>19</sup> Tule awaru nohewòru heka iruru dire. Iryri-bile tahe iheòty ròhònrye. Taile iruru rare. Hemy-lala rati wese dire ruròmý heka inatxi hemylala juwesele.

<sup>20</sup> Iny ituere sÿtybymy tahe raròònrye. Deuxu deàlàna dee heka reòbyòhyyre. Diabo mahãdu luulemy ratximyhÿrenyrene. Aõma rityhynyrenyrene womati tÿrÿrÿhÿkÿ ritxoo, òwòru ritxoo suritxoo, mana ritxoo. Kia ritxoo heka aõki robiòhyyemyhÿre, aõ roholaòhyyemyhÿre. Rariaòhyyemyhÿre.

<sup>21</sup> Iòraru-ribi roxirãhiòtyhy iribi tahe rahòtynyrenyrene aõ òtaòtamy, rubudÿÿnamy, wasinamy, òwòrumy. Kiale ròhòtynyemyhÿrenyrene.

## 10

<sup>1</sup> Tahe iwitxira ÿjuhukÿ rabira biu-ribi suò robehererimy. Biuwetykywesehekÿle iweroramy rÿireri. Tahe owaji wese iratikile roireri. Iòsÿny tahe txuwewehekÿle, iwaube tasÿ heòtyhykÿwesele roosòmý.

<sup>2</sup> Tii heka tyyritinadile debò ritÿtenymy ratximyhÿ. Tahe itÿte heka deboube-ki roimyhÿre. Tahe tawaube ruruludu heka betye ritidimy idi rÿire. Tawahyweludu tasÿ ityiti-ò ridemy idi rÿire.

<sup>3</sup> Tii rryryre heka tarurumy. Leaõ iràhàkÿwesele rryryre. Iu tii rarybereu, debò inatxi reuròmý heka ramytxynymy dirawyònyde.

<sup>4</sup> Tahe riritinyre heka aõmybo timykira raryberenyre wahe. Tahe rybeõ-ò raholare: —Kia widỹỹõmy. Kia rybe hewa ierysyna aõkõ rare ixinamy tahe tuu roike. Biritinyõke aõmybo ramytxyna rarybere?

<sup>5</sup> Tahe ýju suki ratxireri, beki ratxireri ruru ludu debò biu-ò riteòsinyre:

<sup>6</sup> —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rỹira bede-ki rỹira-wana. Tai heka warybe inatyhymy rare. Ararybekre heka raroorehenyõtyhy kaki.

<sup>7</sup> Debò inatxi reuròna ýju tajuròna ritxurònykreu heka, Deuxu ibutumy relemy rỹikre iwese rarybere wese.

<sup>8</sup> Iribi tahe rybe biu-ribi wadee nade. Wadee rarybere: —Biòryke hewa tyyritina ýjudebò-ki naderí suki bera-ki kia rỹireri.

<sup>9</sup> Tai tahe tamy rehemynyreri iòhòmy tyyriti tamy rexitòenyre. Tahe wadee rarybere: —Biwyke. Birỹsỹke. Juhuu tahe bidi wesemy ary-ò bidekre. Birỹsỹkreu tahe ibutumy rahyrenykre awo-ki.

<sup>10</sup> Iribi rewyrá rerỹsỹra. Iwese tii juhúu rarybera wese rare. Ibreere juhúu. Iribi rerỹsỹreu tahe, wawe rubererenyre.

<sup>11</sup> Tahe wadee rarybere: —Kai heka dohodỹỹmy makre ixityre ibutumy inywitxiramy heka botohodỹỹkre. Ibutumy inywitxira witxira-my botoho. Ibutumy rybewitxira witxira botohomy. Ibutumy iòlòmy botohodỹỹkre.

## 11

<sup>1</sup> Iribi tahe inyõ wadee diwahinyde urihixinaõ.

Wadee rarybere: –Biurihikesỹ titxibo Deuxusỹ rỹimyhỹré. Iwo tule xiwena wahidỹỹna biurihike. Idi mariake tiwesebo iny iwo-ki rỹirémy.

<sup>2</sup> Tahe ahana-ki iube idi riraõmyke. Tii dori ityhydỹỹdukõdu mahãdu dee wahisidỹỹna rare. Ti-iboho dori 42 ahãdumy idi rariakre.

<sup>3</sup> Jiarỹ dori inatxi rybedu idi watxiwãhãre. Tamy ruru ariwahinykre. Tii heka saumytykyle rariakre. Tii heka rybe ritỹnynykre beõra inataõ weeremy.

<sup>4</sup> Rybedu inatxi heka bederaty õwõru inatxi wese rare. Tahe tule inatxi loosõna mynydu wese heka rare. Kia Deuxuko-txi rỹire wese heka rare.

<sup>5</sup> Inyõ idi ibinamy riwisỹnykeki, tahe ixirubudỹỹmy rorukumyhỹre. Heõty iryribihikỹle rõhõnyke heka iny rirubunyke.

<sup>6</sup> Tii heka irurudire biu dejuxu lau riekemy. Tahe tiu biu reseõtyhy heka inataõ beõra weeremy wahe tii Deuxu rybemy rarybereriu wahe. Ihãre tahe tii rexirahõreke bero nihikỹmy aho nihikỹmy hãlubumy rexirahõreke. Ihãre tahe ibutudee bina riwahinyke, rubuna riwahinyke tiiboho awimy tai raharenykeki.

<sup>7</sup> Kia heka inataõ beõra weere rikonananykeu, rybe tỹnydỹỹdu inatxi rikonananykeu, hãloo rehe nihikỹwo-ribi aõni kòdòhõnykreu, tahe aõbina nihikỹ-ki heka iu rỹikre. Tahe inatxi rybedu rirubunykre.

<sup>8</sup> Iumy rubu tahe hãwãry-ki roikre, tibo inyrỹ rirubunyrele. Rawesenanyre, kia hãwã arininikre Sòdõma ada Egito wese.

<sup>9</sup> Inataõ txuu weere riwydi hãwã ube-ki iumy rubu roikre. Inyõ heka tiu rituunyõtyhy. Ibutu iny

hãwã hãwã-ribi ibutu rybe witxira-ribi heka tamy itxeremy rehemynykre.

<sup>10</sup> Ibutumy heka iny teysamy rỹikre urile iny widee aõna aõnamy riwahinymyhỹkre. Tiiemy inyõ raaõmysỹdỹõtyhy kiatrixuu. Tai heka tahõti heka itxi reakre kia inatxi rybedu rurure tahõti itxi reakre. Lisini heka rỹikre, worana bedehesi.

<sup>11</sup> Kia txu inataõ txuweere-di, iumyreny iruna kòdòðekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikỹmy rỹikre heka.

<sup>12</sup> Inatxi rybedu-ò heka rybetereõ biu-ribi nade: –Kaiboho bòdòìbedenyke kaò. Tahe biuwetyky raòwõnyrenykre kia iòludu mahãdu idi retehemy rỹireri yrubule.

<sup>13</sup> Kiaule tahe bedede ramytatakre. Debò wiò heto jura jura-ribi heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikỹmy rỹikre. Tahe wowydyna riwahinykre Deuxu biu-ki ratximyhỹreò.

<sup>14</sup> Inatxina bedede dỹñnana bina tahe ròhònyre. Tahe ijõ kanakre.

<sup>15</sup> Debò inatxi reurò ÿjumy heka juròna rurònyre. Tahe sòwemyhe iny rarybemy rỹimyhỹ, ryrymy rỹimyhỹ: –Kia bedede dỹñnana, iòlòna, inynyrỹ hõrõ rare. Kristu hõrõ rare. Aõu aõu tii ibutu ibutu iòlòmý ronykre.

<sup>16</sup> Wawiò inaubiòwa matuari tahe, rynana-ki ronyrenyneri Deuxuko-txi. Tahe Deuxuko-txi reserenyre. Wowydyna tamy riwahinyrenyre:

<sup>17</sup> –Kai Deuxu, tuu tate ihyymy, ibutururu ratyre aruru rare. Aruruteremy bonykre bedede dinodumy. Umy reàlàmy kia-ò.

18 Iny heka ibutumy alau ruberumyhÿre ibutumy òludumy rÿire, adee deburemy rÿimyhÿre. Rubu hitxidÿÿna heka bede reamy heka roire. Eòdurenyle heka riòwynykre, aijoi riòwynykre, rybedu mahãdu wahe. Ibutumy ani rityhynomy rÿira, nihikÿ iyja-wana, kia bede huduhukÿ rare. Ibededÿÿnana reamy heka roire.

19 Biuwetyy riraynyre Deuxu heto. Ibutumy heka lobidÿÿna tyyriti hyna iwo-ò iny robimy rÿire. Iu tahe biumytxi, biudelaa ibutu yhynihikÿ, ibutumy bede ramytatamy rÿire, berahakÿ tule resere.

## 12

1 Iribi tahe ròhònyre warasina-ki aõbo. Aõhebo bede ritÿÿnykremy, biuwetyy-ribi hãwyyõmy ra-bire. Txuu wese tahe itykyra. Tii lamamy rÿire ahãdu tyre. Tarati tyre-ki tahe tainahakÿ rataana idi rÿire, waòinatxi taina wahe.

2 Tii heka bõtõmy ihÿmyhÿ. Ryrymy heka txubrere rijemy tabededÿÿnana-ò resera uladu reakremy.

3 Iribi tahe aõna aõna biu-ki rexisÿnomy, aõni hemylalasò nihikÿ wese wahe. Irati tahe debò inatxi reurò sõwe iratimy. Debòwiò sõwe heka iòmÿ. Irataana heka iratimyna myna rÿimyhÿre.

4 Tii tahe tòhewòru-di taina ributumy ridyre. Bede tyre-ki idi rehure, taina juràõ. Tii hãwyyko-txi rÿire. Uladu reakreule tahe uladu riròkremy.

5 Tahe tohouã reare, hãbumy heka reare. Tii iòlòmÿ heka ronykre, ibutu bede bede iòlòteremy



wahe. Ihãre tahe Deuxu ridyre. Raòwònnyre heka Deuxu rynana-ò.

<sup>6</sup> Hãwyy tahe rahenyre bederahy-ò. Tii 1260 tx-umy heka tii bederahy-ki bede riekremy. Deuxule heka tii riywinyre.

<sup>7</sup> Biu-ki heka aõbina nihikỹ rỹire. Mieli, ýju dinodu heka, tajoi-wana raaõbinanyre aõni-wana tajoi-wana.

<sup>8</sup> Aõni tahe resera tajoi-wana. Rõtara. Biu-ribi ròhònnykemy tahe idi ratxireri.

<sup>9</sup> Riteònnyre biu-ribi, aõni nihikỹ heka ròhònnyra. Tii heka hemylala nihikỹ wese rare. Satanasi inire, Diabo wahe. Itxenadỹýdu heka rare ibutumy iny. Suki resera, tajoi-wana.

<sup>10</sup> Raholare tahe biu-ribi rybeõ-ò: —Deuxu tarasana heka rehemynnyre. Tii taruru riteòsinyre iòlòtyhy raremy. Kristu taruru riteòsinyre. Aõbina bina rybedu tahe Deuxu-ò rarybehymy ratxireri, txu-wana, ruwana. Tii tahe ròhònnyra biu-ribi.

<sup>11</sup> Waityhydỹýdu seriòre mahãdu heka ròtara Budoeni hãlubu-dí, inatyhyna hãletena-wana. Rurukemy ratxireri tiiboho tamydeewikeki.

<sup>12</sup> Beysabenyke biu mahãdu. Koityhyxe tahe ahohokỹ, bede-wana. Diabo dori adee rehemynnyre. Tii reburere, ibededỹýnana dori iòhòmny reare.

<sup>13</sup> Iu hemylala aõni heka bedekile ratxirerimy rieryre, tahe hãwyy tohouã-wana kia-ò aõhõkỹmy rotỹýnykemy risỹnykemy idi ratxireri.

<sup>14</sup> Tahe hãwyy heka nawiihikỹ-ribi idei rihuòtera, tahe idi ruòra bederahy-ò, tasỹ-ò.

<sup>15</sup> Hemylala aõni tahe bee sówemy tary-ribi rarybexinyre hãwyy ribòròbòròdỹýkemy.

<sup>16</sup> Tahe aõkõre. Suu tary riraynyre tahe ibutumy bee riõre.

<sup>17</sup> Hemylala aõni tahe reburemy reare hãwyy dee. Ibutumy hãwyy ijoi mahãdu rirubunykyemy idi ratxireri. Kia mahãdu tahe Deuxu bede ywina rityhynyre, iwese Jesuisi tuu ritÿnynyre wese.

<sup>18</sup> Tai hemylala aõni ÿnyrakile rÿire.

## 13

<sup>1</sup> Iribi tahe aõnimy rabire berawo-ribi røhønyre warasina-ki. Tii heka debò inatxi reurò iratimy tahe debò wiò iòmÿ ijõdire. Rataanaõ tahe sohoji sohoji iò-ki rÿire. Irati-ki tahe nibinamy heka rÿire.

<sup>2</sup> Tii heka hãlòe wesetyhymy rare. Iwa heka ursowa wesele heka rare. Iry heka hãlòery wese rare. Aõni heka tamy ruru sõwemy riwahinyre, irynana wahe.

<sup>3</sup> Iribi heka rabire iratiõ, sohoji heka wotõmonahakÿ dire. Tahe reytereri. Ibutumy iny riòtiinyre. Aõni riheludunyre.

<sup>4</sup> Aõni hemylala heka taruru riwahinyre aõni-ò. Tai tahe ibutmy iny heka aõni riwowydynyre. Iny rarybere: —Mobo heka aõni wese rare? Mobo ijesedukre?

<sup>5</sup> Aõni heka aõbina bina rarybere. Inyõ ribyrenyõtyhy. Ahãdu 42 tii heka kiawesemy rÿikre.

<sup>6</sup> Tii Deuxu dee heka aõbinamy rarybere, Deuxusÿ dee, ibutumy biuludu mahãdu tule rybebina-di ribinabinadÿÿnyre.

<sup>7</sup> Inyõ tamy ruru sõwemy riwahinyre Deuxu ijoi mahãdu-wana raaõbinadÿÿkemy. Tuu ra-haÿnanykemy heka ibutumy iny witxira witxira,

ibutumy rybe wixira mahãdu, ibutumy bede bede mahãdu.

<sup>8</sup> Ibutumy iny ityhydỹũdukõdu mahãdu tamy wowydyna riwahinyke. Budoeni Riõre ijoi mahãdu tahe aõkõre, kia dori ini rỹirenyre tyyriti-ki. Juhu bededỹũnana inireny iwo-ki roire.

<sup>9</sup> Tahe inyõ roholakeki heka, boholake.

<sup>10</sup> Inyõ ridyke. Rirõtenyke rõtenawo-ki. Ijõ tahe rirubunyke. Deuxu ijoi mahãdu tahe rexytyhynykre idi õbitimy roirenyrekremy. Kie.

<sup>11</sup> Tahe ijõ aõnimy rabira. Tii rõtũõreri bede-ribi. Iõ heka inatxire. Budoeni wese heka rare. Ihãre tahe aõni wesele rarybere.

<sup>12</sup> Tii juhu aõni wese rare, iruru. Rarybere: —Juhuludu aõni biwowydynyke. Kia ratiwotomona-di.

<sup>13</sup> Budoeni aõni heka aõna aõna wiwihikỹmy riwinyre. Tii heõty biu-ribi resekemy tii rotỹũnyre. Ibutumy iny tuu robire.

<sup>14</sup> Tii ibutumy iny riitxenanyre kia aõna aõna wiwihikỹ õraruki. Iny ibutu-õ rarybere: —Suritxooõ nihikỹ biwinyke aõni dee. Tii mayrehe-di rawotõmore hãrele ruruõre.

<sup>15</sup> Tahe ihewoludu aõni heka rabunyra suritxoo-õ tahe irumy rỹire. Idi suritxoo rarybere. Inyõ tamy wowydyna riwahinykeki, tii tahe rirubunyre.

<sup>16</sup> Tii rarybera ibutumy iny-õ: —Kaiboho waritina bitidike aõru-txi, eboreny-txi, ruruweludu wahe.

<sup>17</sup> Aõkõkeki tahe aõhoho aõkõ riwyke. Iny kia ritina ijõdiõkeki aõhoho aõkõ rohonykre.

<sup>18</sup> Kai erydỹũna sõwekekile, aõhebo tatỹũnytemy

kaiboho bierybenykre. Kai erydỹĩnadikeki, aõni heka rieryke. Ini heka iritina rarõsõna wese rare 666 ihỹre.

## 14

<sup>1</sup> Idi tahe budoenimy rabire lamamy nyidemy Jerusalẽ hãwã-ki. Aõma Siaõ hãwãlòkile rỹiremy. Tii-wana heka rỹire 144.000 kia inymy heka tii-wana rỹire. Ibutumy tiiboho heka tybynimy, inymy heka ibutumy iòru-ki raritinymy rỹire ibutu òru-ki. Tahe tuu rabire rasinaõmy.

<sup>2</sup> Biuwodỹĩ nihikỹmy raholare, tule biuwodỹĩhỹkỹ ada benihikỹ lesetere wese iwodỹĩ rare. Tahe sõwemy iny rawiunymy rare violaõ-wana, kia wodỹĩ wesehekỹle wahe.

<sup>3</sup> Kia heka wiu tỹmyra riryrymy ròirenyre kia iny tỹmyra rirahura mahãdu. Kia Deuxu rynana nihikỹko-txi heka rotỹmynyrenyra. Kia inaubiõwa aõnityhy heka waitue inaubiõwa matuarimy tahe ijõmy rỹire. Tahe 144.000 kia inyle heka rawiun-ykeki, awimy rỹike. Tii dori aõma tarasadumy ratximyhỹrenyre.

<sup>4</sup> Tiiboho heka tyra roire, tiiboho heka òbiti roire iwese ijadõma ratxirerimy ihỹre wese òtadu mahãdu aõkõhyre. Tahe budoeni riòrehemy heka rare titxibo tii rare hemy. Tii dori wydynamy rare. Kia hãbuy-ribi. Bede ywisidỹĩna juradỹĩna kia dinodumy heka rare. Deuxu heka Budoeni Riòre-wana wahidỹĩnamy heka roiremy.

<sup>5</sup> Tiiboho heka raryberenyõtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

<sup>6</sup> Tasỹ ijõmy rabire ŷjuõmy aõma biuwetyky ki-ako-txi raramy ruõmy rabirerimy. Tii heka Rybewihikỹ tỹmyra rimymy idi rara aõ inywitzira-ò ritỹnynykremy. Ibutu bedede bedede inywitzira-ò ritỹnynykremy. Ibutu rybe-di ritỹnynykremy, Rybewihikỹ tỹmyra wahe.

<sup>7</sup> Kiamy heka ryryre: —Deuxu bityhynyke. Marybebenyke tii awi raremy nihikỹ raremy. Bededỹỹnana rehemynymy roire ihitxidỹỹdu bedede-ò. Bityhynybenyke tii dori bedede ibutumy riwinyre bee, biu ibutumy riwinyre.

<sup>8</sup> Tahe ŷjuõ heka ihewomy ruõmy ratximyhỹre. Babilonia hãwã nihikỹ rexihura. Ibutu iny dori òraruna-txi resera. Kia hãwã mahãdu dori ibutumy iòrarudỹỹnyra.

<sup>9</sup> Iribi tasỹ iwitzira ŷjusỹ tamy nade iheto-ò. Tii tahe ryrymy nade: —Inyõ aõnimy ada iritxoomy rityhynykeki, iribi riwykeki iwotõmona iòru-ribi tebò-ribi riwykeki iritidỹỹna, tii tahe Deuxu ykarana heka iribi riwykre.

<sup>10-11</sup> Tiiboho heka aõhõkỹmy rotỹỹnyrenykre ŷjuko-txi. Budoeni Riòreko-txi aõhõkỹmy rotỹỹnyrenykre. Heòty kia bedede dỹỹnana tyhy tiemy raòwònyhy rarakre. Tiiboho dori tiemy aõnityhy nihikỹle, iritxoo-wana rityhynymyhỹrenykeki, tiiboho heka iritidỹỹnale ixi-ki riwymyhỹrenyke.

<sup>12</sup> Tai tahe ibutumy iDeuxuhe ywina-di heka iwitzira iny ronykemy heka ratximyhỹre. Ibutu aõ òta ibina bina biòludunybenykeki, tiiboho dori aijoi òbitihy boibekemy ikonana-ò. Jesuisi bityhynykemy.

13 Iribi tasỹ ixityre ijõ rybe-ò raholare watyre-ki. Rarybere: —Kiahe biritinyke: Aõ roorehemy aõkõ heka dehemy nymy deade. Kia Jesuisi-ò rurure heka uriõno heka tamy dehemy nymy deade. Iribi tahe tule rarybere: atyytyby reysamy ratxireri. Myle. Tahe rexielehynymy heka rorukumyhỹrenyre aõhõkỹmy dỹỹnana-ribi. Tii dori aõwiwihikỹle riwinyrerimy ihỹre. Reeryre heka.

14 Idi tahe iwitxiramy aõmybo rabire wiribi hitxiramy. Nonoe wetyky urahakỹle wese heka rare. Inyõ ityre-ki rononymhỹ. Hãbuõ wesehekỹlemy heka rare. Irataanadihikỹlemy rononymy heka tarati-ki heka idi rononymhỹ. Womati tỹrỹrỹhỹkỹle wesehekỹle irataana rare. Tahe ijõ heka itieresynaõ-di heka tebõkihikỹle heka rỹire.

15 Ijõ heka Deususỹ-ribi nade, ỹjuõ. Tamyhe ryryre: —Bexitỹmyranyke, itieresyna-di tasỹ bexitỹmyranykre. Bededỹỹnana rehemynymy roire adee aõ biòròròkemy.

16 Tahe kia nonoe wetyky tyre-ki ronyreri tahe rexidelenyre riòròrerihe. Riwyrehe ibutumyhe aõna aõna riwyre tahe ributumyhe.

17 Kia ijõ Deususỹ-ki ratxireri tasỹ tule debònadimy ratximyhỹ kia tieresynadile ratxireri.

18-19 Kia ỹju aõma heòty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bede bede kia biorobeke. Ceifale dori biorobeke. Rubumy dori rỹire hitxidỹỹna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò.

20 Tai tahe bederatyhe risorunyrenyre hãwã-ribi hitximy. Sõwemy hãlubu rõhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awarulomy heka rabeheõmy roire iberõ.

## 15

1 Ijõ aõna aõnamy rabire biu-ki ihewo-ribi riteòsinyreri. Debò inatxi reurõmy ýjumy heka rimyra kaa aõmysýdýýna. Kidiwydenykre heka debò inatxi reurò aõhõkýmy dýýnanamy. Idi tahe Deuxu ykaranamy rexikonanamyhe roikre.

2 Iribi tahe bero nihikýmy rabire wako-txi aõma heòty wese, womati týrýrý wese. Sõwemy heka inymy rabire kia sutyre-ki nyidemý bero iõhõmy. Ibutumy heka aõni debure debureheký kia rubu-ribi ritamy nyide. Iu heka aõni tai roiõhykyre heka, aritidýýna roiõhykyre heka. Tahe aõma aõnimy rahañnanyrenymy ratximyhýre iritxoomy tule violaõ oworuwodýkýhe tai rýire, Deuxu rawiunyrenyreri riryryreri.

3 Moisesi Inynyrý deòdu wiu riryrynyreri. Tule Budoeni Riòre wiu riryrynyrenyreri. Kiamy heka rare: —Oi Deuxu, Kai heka aruru-di tate. Aõni tewinymahãte. Ibutu tarasana tewinymahãte. Ibutu heka ary òbiti rare. Awi heka rare. Kai heka ibutu iòlò tate.

4 Iòlòhyky tanamahãte. Tiiemy heka rityhynymy hyky hyky tanamahãte Inynyrýbohomy. Wowydyna heka adee riwahinymahãke. Kai sohojile heka òbitityhymy atximahãte. Ibutu bedede bedede ludu heka anatyhynykremy kedea

kedeakre. Ibutumy aõbo tewinyte. Ibutumy bede òbitidỹ̃nymahãte heka rierye.

<sup>5</sup> Kia bedeõ heka Deuxu hetomy roimyhỹre ierykõnamy roimyhỹre. Iwòte ierykõna. Tii heka riraynyrenyre heka kia bede.

<sup>6</sup> Kia debò inatxi reurò kia ýjuhe ròhònnyre Deuxu heto-ribi. Diwydehe debò inatxi reurò aõhõkỹmy dỹ̃nana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare.

<sup>7</sup> Sohoji aõniõ aõma Deuxu ykarana hyna sohoji sohoji-ò tamy diwahinyde.

<sup>8</sup> Deuxu hetowo heka aõma wàdàhàkỹlemy reare. Loosõna dori iruru dori sówemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyõ heka iròteõna. Debò inatxi reurò ýjumy. Kia ritxiwimy rexihudile tahe iny ralòke.

## 16

<sup>1</sup> Deuxu hetowo-ribi ijõmy raholare rybetereõ-ò. Rarybereri ýju mahãdu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ýjumy dòhònny deade tahyna-di ditxiwide bede-ò.

<sup>2</sup> Iribi tahe rexidelenymy reare aõma juhoo ýju ihyna ritxiwire bede-ò. Ýju binahakỹmy ròhònnyre ibutu inymyhe robỹtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahãdule heka yjy yjy ròhònnyre.

<sup>3</sup> Tahe ihewoludu heka tahyna-di dòhònny deade. Betyre ritxiwire. Bee hãlubu hukỹlemy reare. Ibutumy bera-ki raremyhỹre ituere.



4 Juhu ludu hewoludu tahe ritxiwire berohokÿ tyre heka ritxiwire. Bee ibutumy bewydysyna rihõrõnyre. Ibutumy hãlubu hukÿlemy relere.

5 Tahe ÿju rybe raholare aõhebo bera-ki rotÿÿnyreriò: –Kai Deuxu, Kai awi tate. Kai òbiti tate. Tuhyy ahãte ihãre tahe tuhyy ahãte.

6 Rybe tÿnydÿÿdu mahãdu heka ituere, rurure. Deuxu ijoi hãlubu ritxiwire suò. Katahe rubudÿÿdu kaihe iòwydÿÿdukre. Hãlubu tetxiwiteriki tule iòwydÿÿdukre.

7 Tahe raholare ijõ ÿju rarybereri-ò, Xiwena-ribi heka ròhõnymy: –Kia InyDeuxu heka ibutumy ruru dire. Ibutumy tewinyte òbitimy awimy.

8 Tahe ihewotyhy konana ludu tahe ritxiwire hyna txutyre-ki. Tahe txuu ratòteenyrene itòtee nihikÿmy relere. Sõwemy heka iny risõre bedetòtee.

9 Tai tahe rirajuamyhÿre Deuxu nibinahakÿmy rirajuarerimy ihÿre Deuxu dori diteònyde heka bededÿÿnana binahakÿ. Tahe inyõ heka tõhõti rawitxiranyõhyyre iraykywydyna. Kiamy ixiwesehyy rõhõtinyrenyrene. Kia iny heka aõhe rotÿÿnyõhyyre wowydyna loosònabo.

10 Iwitxira ÿju tahe aõma ritxiwire tahyna aõni ryna tyre. Kia heka aõni beludu rare. Tarynana tyre rononymhÿ. Tahe ibutu irynanareny torohokÿlemy reare. Ibutu iòlòna torohokÿlemy reare. Tahe tõrõtò-ki ruruare taaõhÿkÿhÿkÿnareny-di.

11 Tiiboho heka Deuxu nibinahakÿmy ryryre webinadumy roireki taaõhÿkÿhÿkÿnareny-di. Timy heka rexinohõtilosanyõhyymhÿre aõbina binahakÿ riwinymy roiremyhÿ-ribi.

12 Tahe iwitxira ÿju tahyna ditxiwide. Eufratesi

berohokỹ tyre ritxiwire. Tahe ibutumy heka ruỹre. Oriente iòlò mahãdu dee tahe ryy kia ri-raynyre.

<sup>13</sup> Tuu rabire heka inataõ tyytyby binahakỹ. Rexitykynyre òrò tykyhykỹ wese rexitykynyre. Aõni heka hemylala aõni inire tahe iry-ribi rexiòlòdỹnyrenyre. Tule aõnibina wixirary-ribi, tule aõni rybedubina-ribi.

<sup>14</sup> Iribi heka aõni bina tyytyby kia tyytyby ibutumy heka bede dinodu iòlò ributunyre. Raaõbinanykemy heka dirahude Deuxu kia mahãdu-ò. Deuxu ihitxidỹnatxumy rỹikemy heka anade tii dori ibutu ratyre aõna aõna-ki.

<sup>15</sup> Kristu rarybere: –Tahe bohohabenyke. Aõwesele heka anakre. Wasidu wesemy heka adehemynymy adeakre. Ibutumy iny wararòsòdu mahãdu teysamy rỹikre. Atyky heka biywinymahãbenyke tai timyki maixỹrubenyõtyhy adehemynykreu.

<sup>16</sup> Kristu rarybere: –Ibutumy heka widotyde aõbinakedu Mikidu hãwã-ki wahe. Hebreu rybe-ki tahe Armagedom inire.

<sup>17</sup> Tai tahe ikonanatyhy ÿju tahyna ritxiwire yhykile. Tahe raholare biumytxihikỹ raholare Deususỹ-ki. Deuxu rynana-ribi dòhònyde: –Ibutumyhe rakonanamy roire.

<sup>18</sup> Tahe biumytxihikỹle ibutumy rawodỹnyre. Tule biu relaanyra. Biu ramytataõmyhỹre idi tahe ramytatare. Tii heka lahityhy rare.

<sup>19</sup> Tai tahe Babilonia hãwã rabòhòre inataõ jura juramyhỹmy. Ibutumy hãwã nihikỹ-ribi hetohokỹ rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aõhòkỹmy

risỹnnyhỹ ibutumy aõbede binahakỹ tamy riwahinyre.

<sup>20</sup> Bedebute ibutumy rexiwore. Iribi tahe hãwãlò tytyhykỹlemy reare bedero wesehekỹle.

<sup>21</sup> Idi inytyre resemyhỹre bera ere erewesele resererimy ihỹre. Ijõ iutxie tahe 40 quilo bede heka iutxie rare. Kia tahe iny sumy rỹire nibinahakỹmy Deuxumy rarybemy.

## 17

<sup>1</sup> Tahe ýju monahyna-ki wadee rybemy nade: —Adee aritỹnnykre aõbo Hãwã Bero sõwe aõhebo rotỹnykré heka. Kia hãwã adee ariteòsinykre timybo rare. Wedena wese aõhõkỹmy rotỹnykremy. Deuxu heka aõhõkỹmy dỹynana riwahinyke kia hãwã-ò.

<sup>2</sup> Bede iòlò dinodu tamyhe iòraruna tamy rexiòrarunyre. Tule iny bedemy rỹira mahãdu ralòre tamy òtaòtamy.

<sup>3</sup> Tai ta kia ýju tamy riwadyre bederahy-ò. Deuxu Tyytyby wadee dobehede? (Riwatyytamy watyytyby heka ridyre). Tai tahe tuu rabire heka hãwyy my aõma iròdutyre-ki ronyrerimy. Iròdu heka isòhòkỹlemy roire. Debò inatxi reurò irati rỹire, tahe iò debò ituemy sõwe. Iritina heka aõkõre rarỹnnyhỹre. Deuxudee heka aõbina binahakỹlemy tai iritidỹyna rỹimyhỹre.

<sup>4</sup> Hãwyy heka isòhòkỹ ityky rare, iwihikỹ rare. Ityky tyre heka womati tỹrỹhỹkỹ roire. Mana rỹsỹ wiwihikỹ, woumana-wana. Bemona debò-ki idi rare. Iwo-ki tahe bemonawo-ki tahe aõna bina nibina tai roire.

<sup>5</sup> Tai tasỹ iòru-ki tule rỹire iniõ. Aõbo rare tahe iny rieryõtyhy. Babilonia Nihikỹ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki.

<sup>6</sup> Iribi tahe rabire hãwyy ixityre. Tii iny hãlubu riõre. Ityhydỹdu mahãdu hãlubu-di rexiòdewàrinymy heka rare. Tiiboho rurure, òbitimy Jesusimy rityhynyreki wahe. Kia hãwyy tahe rabireu, rexiòtiidỹnyre.

<sup>7</sup> Tai tahe ýju wadee rarybera: —Aõherekibo bedeteòtiinymy týite. Adee arelyykre aõbo rare —kia hãwyy iròdu-wana, aritỹnynykre tiiboho aõbo raré.

<sup>8</sup> Iròdu tuu tabita, irumy rare tahe rurukre ele elemy. Tii hãloorehehekỹ-ribi kòdòhònykre. Iribi tahe rexihukre. Tii rurure idi ixbyby dòõsede. Bede iny mahãdu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoõre iru tyryitiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiji aõkõre. Idi tii irumy kanankre ixbybyle.

<sup>9</sup> Kia ibutumy adee aritỹnynykre: Debò inataõ rati tahe iròdule rare. Kia hãwyy ityre ronyre kia hãwãlò wesere. Iròdu rati tule iòlò mahãduõ rare, debò inatxi reurò sõwe.

<sup>10</sup> Iruyire iòlòõ tahe reserenyire. Sohoji iòlò tahe ratximyhỹre. Ihewotyhy ikonanaludu tahe, kanakre wijina. Tai ibededỹnana iòhòlere.

<sup>11</sup> Iòlò debòinataõ ludu tahe iròdu rare —kia irumy juhuhu rare tahe wiji rurumy rare wahe —tii juhuhu iòlò mahãduõ rare. Tii tule ituekre.

<sup>12</sup> Debò itue òmy tuu tabitamy wahe tule iòlò mahãdu rare. Tiiboho kanakre iòlòwesemy.

Iròdu-wana tiiboho hãwã wedumy ronyrenykre iròdu aõni-wana sohoji horamy. Tii tyytyby bina rare.

<sup>13</sup> Tyyritiõ riwinykre idi tahe ibutumy ruruna iròdu bina-ò riwahinykre.

<sup>14</sup> Raaõbinanyrenykremy heka Budoeni Riòre-wana. Tahe Budoeni Riòre aõbina-ki haÿnadukre. Tahe ýju wadee rarybere: –Tii dori butu iòlò, ibutu iòlòna ratximyhÿre. Ibutu inynrÿ ratximyhÿre. Ijoi heka kia ywimy tii-wana roire itarasaõ-ki. Kia rityhynykremy rÿirerimy ihÿre.

<sup>15</sup> Tahe kia ahohokÿ, berohokÿ tai kia hãwyy rononymhÿré. Tiiboho iny rare ibutu rybe-ribi, bede-ribi wahe.

<sup>16</sup> Debòwiò òmy tuu tabita iròdu-wana heka hãwyy derarenyre. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi.

<sup>17</sup> Ibutumy inywese rare. Bede bede iny ibutumy rybe òta òta rarybemyhÿre. Tahe Deuxu heka riwahinyre aõbo ixideewimy riwinykremy. Tai tahe aõwaxiny aõ tamywi heka riwinykre. Tai tahe ibutumy iròdu sòhòkÿ taru riwahinykre, Deuxu Rybemyna bede rÿidi.

<sup>18</sup> Hãwãhãkÿ nihikÿ tabite heka wedena wese my roire. Kia Hãwãhãkÿ heka ibutu wedu iòlò rare.

## 18

<sup>1</sup> Tai tahe ijõmy rabire ýjumy rabire biu-ribi ròhònyreri. Tii sòwemy iruru rare. Tii sòwemy iloosòna rare. Ibutumy bede ritoosònyre.

<sup>2-3</sup> Ta ryyre tarurumy tii ryyre: –Babilonia nihikÿ resera! Resera! Katahe aõma wedumy, bede

bede iòlò heka tii-wana òta riwinyre. Ibutu iny-ò tamona riwahinyre iòtaòta boho boho. Nawii wixira wixira ibinahakỹ tai rasỹnymyhỹre, tyyty-bybina-wana. Ijohodu mahãdu idi nieru sõwemy ributunyre. Idi rexityhynyre.

<sup>4</sup> Iribi tahe raholare ixityre rybeõ biu-ribi rarerí. Manake hewa, Bòdòhònyke wa kia hãwyy-ribi. Kai heka waijoi toite. Tii-wana bexiòrarunybenykemy aõkõ! Bexiòrarunybenykeki tii-wana, tai tii-wana aõhõkỹmy botỹỹnykre.

<sup>5</sup> Tii heka iòraru sõwe nihikỹmy ratximyhỹre. Deuxu heka aõhõkỹmy dỹỹnana tamy riwinymy ratximyhỹre iòraru-ki.

<sup>6</sup> Biwinymyhỹre heka iwese tii riwinymyhỹre wese. Aõ ibinamy ibinatyhymy tamy relekre.

<sup>7</sup> Aõ ibinamy ròhònyke inatxi bededỹỹnanamy tamy ròhònykre. Ibutumy aõbo tamywimy idi raremyhỹ heka riwinymyhỹ ixideewimy. Katahe iwese aõhõkỹmy rotỹỹnykre tahe rabadewokre. Hãwyy tahe ixidee rarybere: –Jikarỹ ikòlò rare. Wytese anokõ jikarỹ rare. Tiku heka rabadewokõtyhy anohõkỹmy ratykỹnykõtyhy.

<sup>8</sup> Tai taheka aõwesele heka tamy bedeòtiidỹỹdu kedehemynymy bedekre: rubu, aõdese, rama uritereribile tamy kedehemynykre. Heòty ibutumy ritoonykre. Deuxu urihixina-di dehudu ratximyhỹre. Tii ruru-di ratximyhỹre.

<sup>9</sup> Kia bede dinodu mahãdu rahinykre itòdenamy. Tii-wana dori òta òta riwinyrenyra. Tiiboho ro-bikre wàdà iribi ròhònyrerio wahe.

<sup>10</sup> Irehemy iribi rỹire. Ruberureri iaõhõkỹmy dỹỹnana lau. Tahe raryberenyre: –Babilonia

hāwā, kai hāwā nihikỹ rare. Tahe wiji ituera atximahāte. Kobelàhàxe.

<sup>11</sup> Ibutumy aōna-ribi ijohodu rahinykre itòenamy. Inyō dorihe iaō tamy riwydyōmy tamy ijohonamy aōkō.

<sup>12</sup> Juhuu heka raaōbradyỹmy aōma iny mahādu ratyre. Womati tỹrỹrỹ riōbranyōre. Tule woumana riwyrerimy ihỹre juhuu. Tykysisòwihikỹ witxira witxira heka riwyrerimy ihỹre. Tule òwòrulỹnyre, iròdu nohōmy riwinyrerimy ihỹre. Bede ritxoo ibutumy aōna iòwyhykỹre. Womati òta òta wiwihikỹ riwyrerimy ihỹre.

<sup>13</sup> Aōma rỹsỹna uri wiwihikỹ tule aderòna wiwihikỹ, tule vīi riwyre, paō widỹỹna, adỹỹ-wana riwyrerimy ihỹre. Tule maixōmo, broreni, budoeni, awaru, tewe, ityti heòty, tule iny deòdu iòwydimy.

<sup>14</sup> Tahe ijohodu mahādu rarybere hāwā-ò: — Ibutumy aōna aōna wiwihikỹ ituera, kia kaiboho riwyrerimy ihỹre. Tiu ixityre aōna aōna riwyòtyhy, ixāwira.

<sup>15</sup> Tahe aōna-di ijohodu mahādu rabadewokre, rahinykre tiiboho dori iòraru-ki raityhynyreny. Irehe-ribi retehere. Ruberurenyre. Ryrereri:

<sup>16</sup> —Kobelàhàxe hāwā wihikỹ. Ibutumy atykysò ituera, awomati wiwihikỹ ituera, woumana, man-awiwihikỹ ibutumy ixāwire.

<sup>17</sup> Sohoji òraule ibutumy iaōna aōna ixāwira. Ibutumy hāwòhòkỹ dinodu urile, iwiòhenadyỹdu mahādu tule suludu mahādu retehereri irehe-ribi. Tii dori nieru ritamyhỹre iaōna-di.

<sup>18</sup> Iu hāwā wàdàsimy robirenyreu tahe, ryrere: — Kia hāwā wihikỹ rare. Ijō hāwā iwese ihoòhyre.

<sup>19</sup> Tahe brybysi ityrereny rehurerimy ihỹre.

Rahinyreri, ryreri: –Bobrekỹ, bobrekỹ hãwã wihikỹ. Aõwesele heka ixãwira. Ibutumy ityhy mahãdu, iaõna rexihura.

<sup>20</sup> Tahe kaiboho beysabenyke biu ludu mahãdu. Hãwã nihikỹ dori ituera. Deuxu hõrõ mahãdu, Deuxu deòdỹna mahãdu, Deuxu dee rybedu mahãdu ibutumy beysabenyke. Deuxu dori iaõhõkỹmy dỹnana tamy riwahinyre aõrauru-ki.

<sup>21</sup> Tahe ýju nihikỹ heka manaõ rimyre, mana nihikỹõ, iwese maixõmosyna mana wese wahe. Idi rehure ahobero-ki rehure. Tahe ryreri: Kiawese heka Babilonia hãwã-di arehukemy watrixeri waruru-di. Ixãwikre.

<sup>22</sup> Tahe wiu wodỹy kia hãwã-ki roholaõtyhyke, harpa wodỹy aõkõ, flauta wodỹy aõkõ, jurõna wodỹy aõkõ. Aaõmysdỹdu aõkõ kia hãwã-ki raaõmysdỹõtyhy. Mai rỹna, manasya iny heka iwodỹy roholaõtyhy.

<sup>23</sup> Loosõna ay-ki ritoosõnyõtyhy. Herina mahãdu rybe ay-ki iny roholaõtyhy. Iaõna ijohodu mahãdu ibutu hãwã-ribi ityhy rare. Tule ibutumy iny riitxenanyre aõtaõta-di, bede bede iny wahe.

<sup>24</sup> Babilonia hãwã heka aõhõkỹmy dỹnana rotỹnyre. Deuxu rybedu mahãdu hãlubu dori kai tetata tule Deuxu hõrõ mahãdu. Rirubunyre mahãdu wahe.

## 19

<sup>1</sup> Iribi tahe ijoi nihikỹmy roholare. Ryreremy heka rỹimyhỹ sõwemy iny rỹimyhỹ biu-ki. Deuxu deysanamy heka ryreri: –Wowydynamy Inynyrỹ-ò. Tarasana dori inyDeuxu-ribi rare.



Wowydyna, ruruna ibutumy ihõrõle rare. Aõbo tii riwinyré, òbiti rare.

<sup>2</sup> Aõhõkỹmy dỹynana òbiti rare. Aõhõkỹmy rotỹnyre heka kia aderana-ki heka rare. Tii aõhõkỹmy dỹynana ritare. Bede iny heka riòrarudỹnyre. Tahe Deuxu riòwynyrene teòdu rubudỹna heka riòwynyrene.

<sup>3</sup> Ixityre ijoi ryrynyre, rawiunyrene: –Wowydyna Inynyrỹ-ò. Wàdà raòwònyreri tai rawòsi-ribi. Ihyomy raòwònykre, hãwã nihikỹ-ribi wahe.

<sup>4</sup> Tahe ibutumy rejuxunyrene Deuxu luukemy. Wawiò inaubiòwa matuari rare. Tule inaubiòwa aõni rare. Deuxu tahe rynana nihikỹ-ki ronyrene. Tamy rirajuare: –Kia, Kia, wowydyna deysana Deuxu-ò.

<sup>5</sup> Iribi heka ròhònyrene Deuxu rynana nihikỹ-ribi heka rybeunimy ròhònyrene: –Biwowydynybenyke Deuxu-ò ibutumy deòdu mahãdu, ibutumy iny rityhynymyhỹrene mahãdu, iyja ta nihikỹ-wana.

<sup>6</sup> Tahe ixityre ijoi-ò raholare. Ryrymy rỹimyhỹrene. Tahe benihikỹlesetere wese heka iwodỹỹ rỹireri, biumytxi wesehekỹle heka iwodỹỹ rỹireri: –Wowydyna Inynyrỹ-ò biwahinyke. Tii iruru dire. Tii heka iòlò rare.

<sup>7</sup> Ibutumy iny rekeysarenyke. Tamy wowydyna rikiwahinyrenykre. Tii dori inihikỹrene. Iòhòra dori kia Budoeni Riòre kia hãwyyemy herina kia bededỹynana-ò. Worana bedehesi kỹnyikrene. Ihãwyy heka rexiywinymy ratxireri.

<sup>8</sup> Tyyurahakỹle-di rexityynykre. Awityhymy ityy doimyhỹde wahe. Deuxu dee awihikỹ widỹna wese heka kia ratxireri.

<sup>9</sup> Kiamy heka ýju wadee rarybere: –Kia bir-

itinyke. Ibutumy lobidỹna mahãdu reysamy ratxireri. Ỹju wadee rarybere ijõ: –Kia heka Deuxule tuu rarybere. Inatyhy rare!

<sup>10</sup> Tahe jiarỹ resere ỹjuko-txi ariwowydynykemy. Tahe tii wadee rarybere: –Kia widỹỹõmyke hewa. Jiarỹ tule Deuxu deòdule heka jiarỹ rare, awesele wahe. Aityhydỹdu seriõre tule awesele rare. Rarybemyhỹre dori Jesuisi tyhydỹnamy. Deuxule biwowydynyke! Ibutumy Jesuisi relyyre heka tuu rybedu mahãdu ritỹnynyre.

<sup>11</sup> Iribi tahe tuu rabire awaruurahakỹõ biuwe-tyky-ki. Inyõ ityre-ki ronymyhỹ. Ini heka Òbiti rare, Inatyhy rare. Tii heka aõbinanymyhỹle rare.

<sup>12</sup> Irue heka heòty wesele rare. Irati heka sõwemy raheto rỹire. Iò-ribi heka nii roire, ini wahe. Urile inyõ rieryòtyhy mobo ini rare, tyyriti witxira dori tiile heka rieryre.

<sup>13</sup> Ihety heka hãlubuhukỹle-di ityre rare. Deuxu Rybe heka inire, hãbu wahe.

<sup>14</sup> Sõwemy iny heka awarutyre-ki rỹire, biu-ribi dòidenyde Deuxu Rybe hewomy, soldado wese wahe. Iny ibutumy ityyura-di rexytyynyre, ityratyhy wahe.

<sup>15</sup> Tii heka mayrehe rabuhukỹle iry-ribi ròhònyrerimy ihỹre. Idi tii heka iny rirubunykyemy ibutu bedede-ò. Iribi tahe tii ròhònyre iòlòtyhy tii rare. Aõhòkỹmy dỹỹnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe.

<sup>16</sup> Ihety-ki heka iti-ki rỹire iniõ: Iòlò iòlò wedu tii rare, ibutu wedu wahe.

17 Iribi tahe ŷjummy rabire, txu-ki rŷire. Nawii ibutu-ò rryrymyhŷ: —Bòdòibedenyke heka, Deuxu worana bedehesina-ò bòdòike rŷsŷna birŷsŷbenykemy.

18 Aõmade biròbenyke, iòlòde, soldadu wedude, iawarude, ibutummy inyde biròbenyke, ixihy mahãdu, deòdu mahãdu, nihikŷ iyja-wana.

19 Iribi heka tuu rabire aõni binahakŷ, iòlò mahãdu, tasoldado mahãdu wana. Wii ributunyre aõbinamy. Awaru tyre-ki ronyrerimy kia mahãdu-wana tiiboho raaõbinanykremy.

20 Tahe aõni bina rimonyrenyre, rybedu bina-wana. Teròwummy tii aõna aõna wixirawi riwinyre. Iribi ridyrenyre heka heòtyaho-txi idi rehurenkremy, enxofre-di riworonyre wahe.

21 Ibutummy isoldado heka ituemy rŷimyhŷre rummy. Mayrehe-di rummyhŷre, kia awaru ura tyre-ki ratxireri kia ryribi ròhònyreri kia-di rurre. Tahe rararesa deadeade ide riròkremy.

## 20

1 Iribi tahe ŷju nademy biu-ribi. Irayna heka debò-ki idi rŷire. Hãloonihikŷ rayna wahe. Tule womati rerotihikŷle iruty-ki roire.

2 Kia aõni rimyre, Diabo wahe, Satanasi wahe. Inyõ tule hemylala raninire. Tahe 1000 beòra riekre ritaataare womati reroti-di.

3 Idi heka rehure hãloo nihikŷ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexihummy iròtena. Urihimyò bededŷŷnana bede riijekre, ixihyyle tai ixbyyle ròbòdŷŷkre.

<sup>4</sup> Iribi tahe rynana sōwemy rabire. Iny ityre ronyreri mahādu ywisidỹỹdu mahādu heka rare. Iribi heka tuu rabire Jesuisi dee rurure mahādu. Inatyhyna rybe tỹnydỹỹ òraru-ki heka rurure. Aōni rityhynyōre, iritxoo rityhynyōre, iritina òraru iòru-ki ritidiōtyhy, deboreny-ki ritidiōtyhy. Rubu-ribi tiiboho rexixarenyre. Kristu-wana ratxireri 1000 beòramy.

<sup>5</sup> Kia heka juhuludu ixixana heka rare. Ijō rubu mahādu heka wiji rexixaōkre. Tahe 1000 beòramy reareu, tahe rexixarenykre.

<sup>6</sup> Juhuludu ixixana mahādu heka reysatyhymy rarekre. Ixyby rubunamy heka ruruōkre, inatxina rubunamy wahe. Deuxu dee, Kristu dee heka tiiboho Xiwena wahidỹỹdumy roirekre. Tii-wana 1000 beòramy riwyrenykre, iòlò mahādu wesemy heka ratxirenykre.

<sup>7</sup> Kia 1000 beòra reareu heka Satanasi ixihyymy ròhònykre bedeki.

<sup>8</sup> Tii itxenadỹỹdumy ròhònykre ibutu iny riitxenanykremy. Kia Kòke bedeki, tule Makòke bedeki rare. Satanasi heka sōwemy iny ributunykre raaōbinanykremy. Tiiboho sōwemy ihỹre ÿnyra sōwe wese.

<sup>9</sup> Tiiboho tahe ibutu bedeki-ò rariarenykre ityhydỹỹdu hāwā rirurawonyrenyre kia Deuxu hāwā Deuxudeewi wahe. Idi heòty biu-ribi isōrenymy desede. Idi wewòsimy rururenyre, Deuxu iny mahādu òludu wahe.

<sup>10</sup> Tahe diabo iitxenadỹỹdureny heka Deuxu rehure heòty aho-ò. Tai aōnibina, ruimy rybedu-wana juhu delemy tamy reserenyre. Tai txumy rummy aō rotỹỹnyrenyhyykre.

<sup>11</sup> Iribi tahe rynanaurahõkõmy rabire ityre rỹdu-wana. Suu biu-wana iribi rexitare, titxibo iõrenyre.

<sup>12</sup> Tahe iny rubumy rabire, iny ibutumy iko-ki rỹirenyre. Tyyriti rarayre. Ijõ tahe rarayre, iru-tyyriti wahe. Tyyriti-ribi Deuxu iaõna aõna rierymy aõhebo risỹnykre.

<sup>13</sup> Ahohokõ-ribi tahe rubu mahãdu dõhõnyde. Rubunahakõ bede-ribi iludu mahãdu dõhõnyde. Idi iaõna aõnamyna Deuxu timybo rexinohõtinkyremy idi rare.

<sup>14</sup> Idi rubunahakõ, rubuna-wana heõtياهو-txi idi adehu rỹikre. Kia ixyby rubu rare.

<sup>15</sup> Iru ityyriti-ki inyniõ roiõkeki, tii tule heõtياهو-txi adehu rỹikre.

## 21

<sup>1</sup> Idi biu tỹmyra sutỹmyramy rabire. Juhusu juhu-biu titxibo ikõrenyre, ahohokõ tule.

<sup>2</sup> Deuxu hãwã wihikõ tỹmyra desemy nade biu-ribi. Iwese ijadõma tỹmyrawesemy ramyhỹre wese kia hãwã nade. Deuxu-ribi nade.

<sup>3</sup> Tahe rybehekõ biurynana rỹdu-ribi nade-ò roholare kiamy: —Kahe Deuxu sỹ heka akireny rare. Deuxu ikyreny-ki rarekre. Tii iwedurenykre. Tii-boho Deuxu dee roirekre.

<sup>4</sup> Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura.

<sup>5</sup> Idi rynana-ki rỹdu narybede: —Wiji itỹmyramy ibutumy aõna aõna ariwinykre. Wadee tule narybede: —Kia bityyritinyke. Kaa rybe dori rybetyhy rare, ibutumy iny ratyhykremy.

<sup>6</sup> Kia ixyby narybede: –Ibutumy relera. Jiarỹ dori AA rare YY rare Juhuludu rare ikonanaludu rare. Inyõ bemomo risakeki, tamy iòwykõlemy ariõkre, beòlònaberu-ribi wahe.

<sup>7</sup> Inyõ tarasadu heka ibutumy waribi rimykre. Jiarỹ iDeuxukre. Tii wariòrekre.

<sup>8</sup> Idi kamahãdu heòty aõho enxofre-ò rekoarenyre kamahãdu wahe: –Iny brebu, watyhydỹkõdu, òrarudu, maleerudu mahãdu, òta òta mahãdu, iny rubudỹdu mahãdu, hàri mahãdu, ritxoo tyhydỹdu, ruidu mahãdu. Kaboho rubunatyhy-ò rururenykre. Kia tahe inatxina rubuna rare.

<sup>9</sup> Tahe ýjuõ wadee nade, debò inatxi reurò mahãdu-ò. Tii hyna-di ryireri. Hynawo-ki tahe aõna aõnabina debò inatxi mahãdu-di. Kiamy narybede: –Mana ini, Budoeni hãwyy ini adee ariteòsinykre, hãwyy wese wahe.

<sup>10</sup> Deuxu Tyytybytyhy wamy reare. Ýju tahe riwadyre hãwãlònora-ò. Jerusalẽ hãwã tỹmyra awityhy wadee riteòsinyre. Tii biu-ribi desemy nade.

<sup>11</sup> Deuxu loosòna-di yla aõkõ. Tii tahe manawiwihikỹ wese rarỹnymyhỹre. Jaspe wese, womati wese mana wiwihikỹ wese rare.

<sup>12</sup> Tii ijètòbòna irariere, waòinatxi reuròmý ijètòbòna, iitxedu ýju tule. Ij-ki tahe waòinatxi reuròmý Judeusỹ mahãduni wahe.

<sup>13</sup> Inataõ ijètòbòna sòwe, iraro-ò, ibòò, biura-ò, beà-ò.

<sup>14</sup> Hãwã rurawona tahe waòinatxi reurò mana tyre-ki rỹimyhỹ. Mana sohoji sohoji-ki budoeni deòdu mahãduni rỹire.

<sup>15</sup> Ýju wadee rybedu teb-ki womati tỹrỹrỹhỹkỹ

deòho-di nade idi hãwã, hãwã ijò, hãwã rurawona iurihinamy.

<sup>16</sup> Hãwã tahe iurihina wiwesele rare. Tahe 2.200 iurihixina rimyre teòho-di tuu riwinyre.

<sup>17</sup> Rurawona raru tahe ÿju taurihixinamy riurihixinanyre idi 64my rimyre.

<sup>18</sup> Rurawona tahe jaspe mana-di relere. Hãwã tahe womati tÿrÿrÿhÿkÿ-di relere.

<sup>19</sup> Rurawo òraru heka mana wiwihikÿ-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare.

<sup>20</sup> Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare.

<sup>21</sup> Woumanahakÿ sohoji-di heka ijò sohoji sohoji relera, 12my ijò wahe. Ryy heka womati tÿrÿrÿhÿkÿhyky-di relera.

<sup>22</sup> Tohodÿÿna heto tahe ihoõhyyre. Deuxule dori tuu rare, Budoeni-wana. Tai ihoõre.

<sup>23</sup> Txuu ahãdu-wana tai ijõõre Deuxu loosòna, budoeni loosòna dori itxuuxaranarenyre.

<sup>24</sup> Bede bede mahãdu iloosòna-di rÿikre. Bede bede mahãdu heka taaõna aõna wiwi-di tamy kidirahukre.

<sup>25</sup> Tahe ijò raratòbòõhykre, tai dori ruu ihoõhyyre.

<sup>26</sup> Bede bede iòlò mahãdu heka wowydyna-di tamy kidirahukre.

<sup>27</sup> Inybina bina, iny òrarudu mahãdu tamy ralòõtyhy, ruidu mahãdu tule. Inyni heka Budoeni

tyyriti irumy r̄imyh̄re mah̄du sohojile wahe.

## 22

<sup>1</sup> Idi ŷju wadee riteòsinyre, iru wahidŷŷna bero-hokŷ. Ibelyramy Deuxu rynana, Budoeni rynana-ribi òlòdu wahe.

<sup>2</sup> Ryrohokŷ tya-di kaa bera namyh̄de iwyòwyò-ki iruwahidŷŷna bederarade r̄imyh̄. Tii bederarade waò inatxi reuròmy raratynyre. Kia ta ah̄du ah̄du-di sohojile raratynyre. Otxirarade tahe bede bede mah̄du deytana rare.

<sup>3</sup> Kia h̄wã-ki ihetxi txuhòbina tai ijõòkre, Deuxu aõ ritxuhònyõra tai. Deuxu rynanahakŷ itya-ki r̄yikre. Kia teòdu mah̄du riwowydynykre.

<sup>4</sup> Tiiboho iòsŷnymy robikre inireny iòru-ki r̄yikre.

<sup>5</sup> Tai ruu ijõòkre. Tai txuloosòna ijõòkre. Deuxu dori itxurenykre. Tiiboho tai ihyymy r̄yikre iwese iòlò mah̄duõ.

<sup>6-7</sup> Kia tahe ŷju wadee rarybere: –Kaa rybe tahe inatyhy rybe rare. Bityhynybenyke. Jesuisi rarybere: –Analekre heka tule adehemynylekre heka. Deuxu heka taŷju deòdu adee kanarybekre. Kaheka wylemy ibededŷŷnana kedeakre. Deuxu rarybehyy ratximyh̄re t̄nydŷŷdu mah̄du-ò, aõhebo bede rotŷŷnymyh̄kremy roimyh̄ré. Ibutumy kia tyhydŷŷdu mah̄du heka reysamy r̄yikremy r̄yira.

<sup>8</sup> Jiarŷ tahe Joaõ rare. Rabirahe, ibutumy kia raholare. Rabimy rexihurau tahe, jiarŷ watiowotimy resere ŷjuko-txi.

<sup>9</sup> Ixityre wadee rarybere: –Iwidŷŷõmy hewa, Jiarŷ heka Jesuisi deòdu t̄nydŷŷduõle jiarŷ



watxireri. Ibutumy Deuxu tyyriti ityhydỹdu biòwa jiarỹ rare. Deuxule bityhynke.

<sup>10</sup> Tahe ýju ijõmy wadee rarybere: –Aõbo teritidỹnyteri ibutumy iny-ò rybe bitỹnynke. Kia bededỹnana iòhòlemy ratxireri.

<sup>11</sup> Kia bededỹnana kedehemynkreu, aõbina bina widỹdu heka aõbinale riwinykre. Iny binabina heka, ibinamy rỹikre iu. Inywiwihikỹ tasỹ awimy rỹikre iu. Kia òbitimy rỹira tahe, awityhymy relekre, òbitityhymy rỹira.

<sup>12</sup> Boholake warybe-ò, aõwesele heka anakre. Uriõno heka adiwymy wadi anawãhãde. Aõbo wadee aõ riwinymyhỹre wahe iwese aõbo riwinymy raremyhỹwesemy heka araòwynkre.

<sup>13</sup> Jiarỹ heka AA jiarỹ rare. YY tule jiarỹ rare. Tyyriti juhuu rare. Tyyriti konana rare. Jiarỹ heka juhuludu rare. Ihewoludu tule jiarỹ rare, ibutumy wahe.

<sup>14</sup> Ibutumy tatytyramy rỹira –teysamy rỹira. Tiiemy teysahyyhy rare. Iru òwòru wahidỹna bederaty heka ritokre. Tule rarònyrenkre kia hãwãhãkỹ-ò.

<sup>15</sup> Ibutumy òrarudu mahãdu tule òwòru widỹdu tahe irehemy Deuxu hãwã-ribi nyimyhỹde. Tule iny rirubunymyhỹre mahãdu, tule suritxoo luunadu mahãdu, tule ibutumy ruidu mahãdu. Ibutumy irehemy hãwãhãkỹ-ribi roimyhỹre.

<sup>16</sup> Jesuisi heka jiarỹ rare. Waýju reteònyre adeereny kia aõnaaõna bededỹnana relyykemy. Kaiboho heka dohodỹna heto mahãdu-ò relyyrenke. Jiarỹ iòlò Davi juhu rare, tule Davi riokore rare. Biurasò taina Jiarỹ rare, loosòna rare.

<sup>17</sup> Deuxu Tyytybytyhy rarybere: –Manake! Tule hãwyymy hãbumy heridu tule rarybere: –Manke! Ibutumy ijohodu tule marybeke: Jiarỹ, Juaõ, tule rarybere: –Manake! Ibutumy iny bemy rurumyhỹre mahãdu tule manake irube biõke. Iòwy-di aõkõ heka rare.

<sup>18</sup> Jiarỹ, Juaõ, rarybere ibutumy iny katyyriti rariamyhỹre mahãdu-ò.

<sup>19</sup> Iny ributunyekeki aõmybo kaki ritydỹỹna roiré, Deuxu tamy bededỹỹna binahakỹõ riwahinykre karitidỹỹna roireki. Inyõ karitidỹỹna-ribi ritakeki, Deuxu òwòru runa ijuraõ wahe heka iribi ritakre tule Hãwãhãkỹtyhy-ribi nadedi wahe. Tai rỹire tyyriti-ki.

<sup>20</sup> Tule aõmybo narybede inatyhymy tule rarybekre (Jesuisi wahe): –Analekre hewa idi. Ara-roorehenyõtyhy. Juaõ, tule rarybere: –Kie, Manake Wanyrỹ Jesuisi.

<sup>21</sup> Deuxu deysana, Inynyrỹ Jesuisi Kristu kia deysana ibutumy adee kanakremy watxiwahãre.

## **Deuxu Rybe Tyyriti New Testament in Karajá (BR:kpj:Karajá)**

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Karajá

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files  
dated 29 Jan 2022

55ce0bcd-101e-52a3-984e-847027efe150